



**TERORIZAM** SIPA najavljuje nastavak američke akcije

# Ramiz Hodžić Siki bio u odredu 'El-Mudžahid'

Američko pravosuđe zvanično obavijestilo SIPA-u o akciji hapšenja bh. državljana u Sent Luisu • Hodžić u ratu prošao i vojnu i vjersku obuku • Šejla Ramić kaže da je njena majka nevinna



Hodžić: Prijeti mu dugotrajan zatvor zbog slanja novca i opreme u Siriju

Ramiz Hodžić Siki, Bosanac iz Sjedinjenih Američkih Država koji je optužen za pomaganje terorističkoj organizaciji Islamska država, bio je pripadnik odreda "El-Mudžahid", vojne jedinice Armije RBiH kojom su komandirali strani dobrovoljci, potvrđeno je za "Dnevni avaz" iz pouzdanih izvora.

Hodžić, za kojeg američke vlasti tvrde da je mjesecima slao novac i opremu pripadnicima IS-a, u ovoj jedinici prošao je vojnu i vjersku obuku, a nakon rata otišao je u SAD.


## Stizale pare

Kako saznaje "Avaz", velika antiteroristička akcija u SAD u kojoj su prije nekoliko dana vlasti uhapsile šest bosanskih imigranata zbog finansiranja i pomaganja IS-a mogla bi dobiti i bosanski nastavak. Američki is-



Jozić: Poduzimamo određene radnje

tražitelji, naime, zvanično su obavijestili Državnu agenciju za istrage i zaštitu (SIPA) o osobama koje su u toj zemlji optužene za terorizam. Dio novca koji su optuženi slali iz SAD stizao je u BiH, gdje je bio namijenjen pojedincima koji su namjevali otići ili su odlazili na ratište u Siriji.



Bosnić: Primio 175.000 dolara iz inozemstva

Informacija o nastavku istrage zvanično nam je potvrđena jučer u SIPA-i, a, kako nam je rečeno, inspektori ove agencije već su počeli ozbiljno raditi na ovom predmetu.

- Državna agencija za istrage i zaštitu u skladu sa svojim ovlaštenjima poduzima odgovarajuće mjere i radnje,

## Prijatelj s Mehmedovićem

Hodžić je bio aktivan na društvenoj mreži Facebook, gdje je objavljivao svoje fotografije i stavove. Zanimljivo je da je na toj društvenoj mreži

prijatelj i s državnim poslanikom iz SDA Šemsudinom Mehmedovićem, kojeg su mediji i ranije doveli u vezu s radikalnim krugovima.

a u cilju zaštite interesa daljnje istrage u ovom trenutku ne možemo iznositi druge informacije u javnost - potvrdila nam je jučer Kristina Jozić, portparol SIPA-e.

U opsežnoj akciji u Sent Luisu, Njujorku i Čikagu prije četiri dana uhapšeni su Ramiz Siki Hodžić iz Jelaha i njegova supruga Sedina Unkić, zatim Armin Harčević iz Sent Luisa, Mediha Salkićević zvana Medy Ummuluna i Nihad Rosić iz Njujorka, a optužena je i Jasminka Ramić iz Illinois. Istražitelji su, kako se navodi u optužnici, locirali osobe u Crnoj Gori i BiH čiji su članovi porodica otišli da se bore na ratištima u Siriji i Iraku, a koji su dobivali novac od ove grupe.

Nakon što se pojavila pred sudom u Čikagu, tužitelji su zatražili od sudije da naredi premještanje Medihe Salkićević u Sent Luis kako bi se suočila s optužbama.

- Postoji opasnost da Mediha pobjegne, jer ima značajne veze sa BiH, gdje pravi kuću i gdje joj žive

roditelji. Mediha je zbog podrške ekstremistima veoma opasna po zajednicu, tvrde tužitelji.

## Lažne optužbe

S druge strane, Šejla Ramić, kćerka Jasminke Ramić iz Rokforda, jedne od šest osoba porijeklom iz BiH optuženih za pomaganje Islamskoj državi i drugim terorističkim organizacijama, u izjavi za američku Televiziju WREX kazala je da njena majka nije kriva za ono za šta je optužuju te da se radi o lažnoj optužbi, javili su američki mediji.

Šejla tvrdi da je njena majka nevinna i da nema nikakve veze s teroristima.

- Moja majka Jasminka nije slala novac i oružje Islamskoj državi. Ko god da je došao do takvog zaključka, definitivno je pogriješio. Radi se o lažnoj optužbi. Kada smo čuli tu vijest, bili smo izuzetno šokirani kako je neko uopće mogao doći na takvu ideju - rekla je Šejla. Prijenili su američki mediji. **M.AŠČIĆ**

## Vehabijama u BiH novac stizao izvana

Američki istražitelji naveli su da postoji obilje dokaza da je pomoć svjesno usmjeravana Rami Pazari iz Teslića, koji je najesen 2014. poginuo kod sirijskog grada Kobanea, a bio je duboko povezan s mrežom vehabija u BiH i preko kojeg su bh. mladići završavali na stranom ratištu.

Optužnica, zapravo, ot-

kriva kako su osobe koje su iz BiH odlazile u Siriju dobivale finansijsku pomoć izvana. Tužilaštvo BiH, koje tereti Bilala Bosnića, vođu vehabija u BiH, za javno vrbovanje bh. državljana za rat u Siriji i Iraku, potvrdilo je u više navrata da je Bosnić samo iz arapskih zemalja u posljednje dvije godine primio 175.000 dolara koji su

bili namijenjeni za finansiranje terorističkih aktivnosti.

Tužilaštvo BiH sumnjilo je i Fikreta Hadžića iz Vogošće, koji je prošle godine uhapšen u akciji "Damask", da je primao novac iz Kanade i dijelio ljudima koji su se borili i koji se i dalje bore na sirijskom ratištu na strani IS-a.